

PROBLEMA II.

- V**ARE Deus hoc initio Genesios nomen in numero plurali constitutum habere voluit? An quia in ehem, unde Elohim componi videtur, significat robur eorum, quæ videlicet creatura sunt? vt ait R. Nachman; Deus enim est suprema vis, à qua tam in esse, quam in fieri omnia pendent, unde patet nomen illud diuinam potentiam exprimere, quæ summopere in rerum omnium creatione refulget: vt autem creatio, atque recreatio conuenirent, bis & tricesies Elohim in hac rerum conditione repetitur, quot annos Christus in terris degit, vt anni reparatoris nominibus creatoris adæquarentur. An quia nomen hoc tam singulare, quam plurale censeri debet, quia 3 personæ sunt unus Deus, vt ea ratione beatissimæ Trinitatis mysterium nobis insinuetur: quapropter Moses noluit singulare nomē Θεον ponere, quod ab θεον id est, iurauit, dicitur, quia verba Dei tam firma, & certa sunt, vt iure iurando non indigeant. An quia opera Trinitatis ad extra sunt indiuisa, tribus personis omnino communia, nomine Moses vt debuit, quod illam operationis cōmunionē, & unitatē aperiret? An quia Hebræi nomen illud plurale tam pro singulari, quam plurali numero usurpat, atque principes honoris causa plurali numero compellant, quomodo solemus in Gallia dicere, *vouz, & non, soy,* tametsi latine Tu, non autem vos, dum hominem solum alloquimur, dicere soleamus.

PROBLEMA III.

- E**LIVSNE hoc nomine Elohim Moses vtitur, quam alio quopiam? Nunquid nomen aliud apponere potuissent? vt El, Elohe, Sabaoth, Eser, Ehie, Adonai, Ia, Sadai, Helion, vel alijs nominibus vti de quibus D. Hieronym. epift. 136. ad Marcellam egit. An ergo vtitur Elohim, quia iudicem significat? vt sciamus cundem futurum esse, à quo iudicabimur, cum eo qui nos formauit; An quia distributuam iustitiam, in creaturis adiuvicem ordinandis Deus obseruasse videtur, cūm igni sursum, terra deorsum, omnibusque locum proprium assignauit? An vt timorem simul cum amore nobis incuteret? quantum enim ab illius offensa caendum est, quem certissima fide nos solo nutu, solo concursu liberrimo denegato, in nihilum redigere posse credimus; sed quanto eum amore prosequi tenemur, qui de abyso, ac tenebris, vel potius ex nihilo nos in lucem adeò præclaram eduxit, & tantum in omnes creaturas dominium contulit. Non est autem admittenda nonnullorum explicatio, qui per Elohim Angelos intelligent, ac si diceremus; In principio, supple Deus, creauit Elohim, seu Angelos; omninoque rei- cenda est illa, quam aliqui communisci possent, vt mundum ab Angelis creatum arbitra- mur: nec verum est, quod aliqui fingunt, nempe Deum quidem creauisse primum Ange- lum, itaut primus ille cæteros Angelos produxerit, siquidem omnia per se Deus immediatè creauit. Sed & de his forte sermo redibit.

PROBLEMA IV.

- V**ARE Deus Genesis initio pénitit? An quia est omnium principiū à nullo depen- dēs, tametsi ab eo cuncta modis omnibus pendeat? An quia prius esse debuit, quod melius est? An vt homo meliora deterioribus, Deumque omnibus præponeret, non autem Medæc instar peiora eligeret; iuxta id, *Vide meliora prælōque, deteriora sequor;* vnde & *nītimur in vetitum cupimus semperque negata.* An quia Spiritus sanctus nos admonuit, vt in omni actione, verbis, atque cogitationibus nostris Dei gloriam præcipue spectaremus? An quia, sicut ab æterno nil Deum præcedere potuit, nec etiam illum quidquam in tempore antece- dere debuit? An vt Davidis verba verissima essent, quibus ait. *In capite libri scriptum est de me,* cui legis Euangelicæ principium consonat, *In principio erat verbum.* An vt homo sua opera in- ciperet in eadem cogitatione, in qua Deus creare cœpit; imò si diuinam abyssum ingredia- mur Deus nostro concipiendi modo se, priusquam cætera, intellexit. An vt Atheismi Politici, Cardanistarum, Pomponistarum, & cæterorum eiusdem furfuris hominum elude- rentur, qui non solùm in corde, sed in ore, scriptisque blasphemis dicunt, *Non est Deus.* An quia magni alicuius Imperatoris instar, Deus librum hunc, seu epistolam omnibus homini- bus exhibens, nomen suum pro epigrapha posuit, ac si scriptum esset, *Deus omnipotens, index* que *equissimus omnibus hominibus salutem:* sic enim reges, & principes viri, dum Epistolas suas subditis mittunt

Aug.

Reiicitur
quædam
expoficio-
nes.